



Adresa: Ul. Hamdije Čemerlića 39
71000 Sarajevo
<http://www.voda.ba>

tel. +387 33 726 422;
fax. +387 33 726 414
e-mail: info@voda.ba

Broj: UP-1-31-3-40-149-6/24
Datum: 25.04.2024. godine

„Agencija za vodno područje rijeke Save“ Sarajevo rješavajući po zahtjevu pravnog lica „BBM-Vareš“ d.o.o. Vareš za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije površinskog kopa „Kota“ općina Vareš, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06.) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE o vodnoj dozvoli

1. Pravnom licu „BBM-Vareš“ d.o.o. Vareš daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora kompleksa objekata namjene: eksploatacija i prerada mineralne sirovine krečnjaka i spilita na prostoru površinskog kopa-kamenoloma „Kota“, općina Vareš.
2. Ova vodna dozvola se odnosi isključivo za aktivnost ispuštanja tehnoloških otpadnih voda i aktivnosti koje mogu imati specifične uticaje na vode na lokaciji prostora kompleksa objekata definisanih tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda od strane nadležnog organa, u skladu sa članom 139. stav (2) tačke 1. i 2. Zakona o vodama.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se po ponovnom pokretanju radova i aktivnosti na eksploataciji i preradi mineralne sirovine obavijesti Agencija za vodno područje rijeke Save, Sarajevo.
 - 3.3. Uz obavijest o ponovnom pokretanju radova i aktivnosti na eksploataciji i preradi mineralne sirovine pravno lice je u obavezi da u skladu sa zahtjevima Uredbe o uslovima ispuštanja otpadnih voda u okoliš i sisteme javne kanalizacije („Sl. novine Federacije BiH“, broj: 26/20, 96/20, 1/24) dostavi detaljan dinamički plan ulaganja urađen od strane pravnog lica koji treba da sadrži:
 - spisak aktivnosti i mjera sa finansijskom procjenom za ulaganje, zadanim rokovima realizacije svake pojedine aktivnosti i konačnim rokom za završetak aktivnosti na izgradnji i puštanju u rad sistema za prikupljanje, tretman i ispuštanje tehnoloških otpadnih voda na obrascu iz Priloga A, razrađeni po godinama i mjesecima sa konačnim rokom realizacije najkasnije do 30.06.2026. godine.
 - Izrađeni detaljni dinamički plan je uslov za izdavanje Dopunskog rješenja o vodnoj dozvoli za ispuštanje tehnoloških otpadnih voda i čini njen sastavni dio.
 - Pravno lice je u obavezi da Detaljni dinamički plan napravi u skladu sa zahtjevima iz projektne dokumentacije: Projekat izvedenog stanja vanjskih instalacija vodovoda i kanalizacije poslovnog kompleksa kamenoloma „BBM-Vareš“ za potrebe izdavanja vodne dozvole, urađen od strane „Zavod za vodoprivredu“ d.d. Sarajevo, novembar 2010. godine.
 - 3.4. Da se objekti čija je svrha odvođenje i prečišćavanje onečišćenih voda redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.5. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20, 1/24), te pojedinačne i zbirne godišnje izvještaje dostave Agenciji u skladu sa članom 23. iste Uredbe.

- 3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
- 3.7. Ukoliko Vlada Zeničko-dobojskog propiše dodatne (strožije) uvjete za ispuštanje otpadnih voda u površinske vode, od uvjeta definisanih u odredbama Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“ broj 26/20, 96/20, 1/24), podnosilac zahtjeva je u obavezi iste zadovoljiti.
- 3.8. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.9. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.10. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata, postrojenja i mehanizacije redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.11. U toku izvođenja radova kao i same eksploatacije iskopani materijal i frakcije prerađenog kamena ne smiju ni privremeno odlagati na česticu «vodno dobro», odnosno u vodotok i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, pravno lice je dužno provoditi sve mjere i aktivnosti propisane istom.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret u skladu sa članom 149. Zakona o vodama.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja. Prije isteka ovog roka pravno lice je dužno zatražiti produženje iste. Ova vodna dozvola prestaje da važi u slučaju da se ne ispune uslovi iz tačaka: 3.2. i 3.3.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „BBM-Vareš“ d.o.o. Vareš obratio se ovoj Agenciji dana 22.03.2024. godine sa zahtjevom za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode na lokaciji prostora kompleksa objekata namjene: eksploatacija i prerada mineralne sirovine krečnjaka i spilita na površinskom kopu „Kota“ općina Vareš.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Aktuelni izvod iz sudskog registra, broj: 043-0-RegZ-21-002461 od 14.09.2021. godine izdat od strane Općinskog suda u Zenici – ovjerena kopija,

- Uvjerenje o registraciji/upisu u Jedinostveni registar obveznika indirektnih poreza, broj:04/1-UPP/1-7611/07 od 01.08.2007. godine izdato od strane Uprave za indirektno-neizravno oporezivanje Banja Luka - kopija,
 - Uvjerenje o poreznoj registraciji od 06.07.2007. godine izdato od strane Kantonalnog poreznog ureda Zenica - ovjerena kopija,
 - Rješenje, broj: UP-I/02-2-23-64/00 od 21.06.2001. godine izdato od strane Federalnog ministarstva prostornog uređenja i okolice – kopija,
 - Rješenje, broj: UP-I/02-2-23-2-74/99 od 04.02.2000. godine izdato od strane Federalnog ministarstva prostornog uređenja i okolice – kopija,
 - Rješenje broj: UPI 05/2-02-19-5-88/21 od 11.08.2021. godine izdato od strane Federalnog ministarstva okoliša i turizma – kopija,
 - Izvještaj o monitoringu kvaliteta i kvantiteta sanitarno-fekalnih otpadnih voda kamenoloma „BBM-Vareš“ Kota Vareš, urađen od strane „Inspekt RGH“ d.o.o. Sarajevo, decembar 2023. godine, broj: 1791/23,
 - Rješenje o vodnoj dozvoli, broj: UP-I/25-3-40-622-7/18 od 21.03.2019. godine izdato od strane Agencije za vodno područje rijeke Save, Sarajevo – kopija,
 - Rješenje, broj: UP1-16-18-01424/2011 od 23.05.2011. godine izdato od strane Federalne uprave za inspekcijske poslove – kopija,
 - Rješenje, Up/I broj: 07-18-260/02 od 26.12.2003. godine izdato od strane Federalnog ministarstva energije, rudarstva i industrije – kopija,
 - Rješenje, Up/I broj: 07-18-514/01 od 08.01.2002. godine izdato od strane Federalnog ministarstva energije, rudarstva i industrije – kopija,
 - Zapisnik o inspekcijskom nadzoru, broj: 18-18-06148/19-08-001-P od 01.07.2019. godine sačinjen od strane Kantonalne uprave za inspekcijske poslove – kopija,
 - Zapisnik o inspekcijskoj kontroli, broj: 18-30-02-10-01-795/12 od 10.06.2020. godine sačinjen od strane Kantonalne uprave za inspekcijske poslove – kopija,
 - Zapisnik o inspekcijskom nadzoru, broj: 18-14-10553/21-08-001-P od 15.11.2021. godine sačinjen od strane Kantonalne uprave za inspekcijske poslove – kopija,
 - Zapisnik o inspekcijskom nadzoru, broj: UP1-14-21-2-00133/2022-1403-P-1403-1-P od 14.09.2022. godine sačinjen od strane Federalne uprave za inspekcijske poslove – kopija,
 - Zapisnik o inspekcijskom nadzoru, broj:18-14-00005/22-05-05-P-05-05-001-P od 26.09.2022. godine sačinjen od strane Kantonalne uprave za inspekcijske poslove – kopija,
 - Zapisnik o inspekcijskom nadzoru, broj:18-14-00005/23-05-05-P-05-05-001-P od 16.02.2023. godine sačinjen od strane Kantonalne uprave za inspekcijske poslove- kopija,
 - Obavijest, broj:06-02-298/IS/FR/24 od 24.04.2024. godine izdata od strane BBM Vareš d.o.o. Vareš,
 - Dokaz o uplaćenju federalnoj upravnoj pristojbi na zahtjev.
- Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20, 63/22), izvršen je obilazak poslovnog kompleksa objekta i tom prilikom je sačinjen Zapisnik o uvidaju broj: UP-1/21-3-40-149-4/24 od 23.04.2024. godine.
- Na osnovu dostavljene dokumentacije utvrđeno je sljedeće:
- U skladu sa zahtjevima iz Rješenja o vodnoj dozvoli broj: UP-I/25-3-40-622-7/18 od 21.03.2019. godine Investitor je bio u obavezi da izvrši izgradnju svih objekata za prikupljanje, transport i tretman tehnoloških voda predviđenih po projektnoj dokumentaciji: Projekat izvedenog stanja vanjskih instalacija vodovoda i kanalizacije poslovnog kompleksa kamenoloma „BBM-Vareš“ za potrebe izdavanja vodne dozvole, urađen od strane „Zavoda za vodoprivredu“ d.d. Sarajevo, novembar 2010. godine. Odnosno, trebalo je da za vrijeme trajanja dozvole da obezbjediti da se: zauljene i zamuljene vode sa prostora površinskog kopa, mehaničke radionice, benzinske pumpe, spremišta rezervnih dijelova i maziva, platoa za pranje mehanizacije, parking prostora i drugih radnih i manipulativnih površina nesmetano sakupljaju i odvođe do objekata predviđenih za tretman tehnoloških otpadnih voda (taložnik, separator ulja i masti), a zatim ovako prečišćene vode, preko monitoring okna ispuštaju u recipijent rijeku Stavnju.
 - U proteklom periodu na prostoru P.K. „Kota“, općina Vareš nije vršena eksploatacija mineralne sirovine, a što je potvrđeno i inspekcijskim nalazima. Eksploatacija mineralne sirovine se ne vrši od 2009-te godine. Problem se ogleda u uklanjanju šume sa eksploatacionog polja „Kota“,

općina Vareš. Trenutno se vodi sudski spor-postupak sa koncesionarom tj. Ministarstvom poljoprivrede, šumarstva i vodoprivrede Zeničko-dobojskog kantona.

- U prethodnom periodu, u više navrata izvršeni su inspekcijski nadzori i kontrole, a što je zabilježeno u Zapisnicima sačinjenim od Kantonalnih i Federalnih inspekcijskih organa. U svim Zapisnicima je konstatovano da se na prostoru PK-kamenolomu „Kota“ ne vrši eksploatacija mineralne sirovine, a što je potvrđeno nakon izvršenog uviđaja na terenu i sačinjenog Zapisnika.
- Investitor – Pravno lice na terenu nije realizovao aktivnosti u skladu sa zahtjevima iz rješenja o vodnoj dozvoli.
- Investitor – Pravno lice je upoznat sa odredbama tj. zahtjevima Uredbe o uslovima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 26/20, 96/20, 1/24) i zatraženo je dostavljanje detaljnog dinamičkog plana ulaganja.
- Investitor – Pravno lice je proslijedio Obavijest broj: 06-02-298/IS/FR/24 od 24.04.2024. godine kojom je potvrdio da BBM-Vareš d.o.o. Vareš ne vrši proizvodnju i preradu nemetalčnih mineralnih sirovina od 2009. godine, da je u toku sudski postupak, te da će po okončanju istog, a prije početka radova i aktivnosti na eksploataciji mineralne sirovine obavijestiti Agenciju, odnosno tada će biti u mogućnosti da dostave detaljni dinamički plan ulaganja u skladu sa odredbama Uredbe.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „BBM-Vareš“ d.o.o. Vareš, ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode na lokaciji prostora kompleksa objekata namjene: eksploatacija i prerada mineralne sirovine krečnjaka i spilita na PK-kamenolomu „Kota“, općina Vareš, te je riješeno kao u dispozitivu ovog Rješenja. Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- "BBM-Vareš" d.o.o. Vareš, Kota bb, 71330 Vareš,
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava